



Anglican Diocese of Sabah

圣公会沙巴教区

Anglikan Diosis Sabah

WISMA ANGLICAN
JALAN LEE TET PHUI
88000 KOTA KINABALU
SABAH, MALAYSIA

**KENYATAAN AKHBAR
PILIHAN RAYA NEGERI SABAH KE 16**

Kita bersyukur kepada Tuhan untuk Sabah yang kita sayangi. Sebagai warga negara kita digesa untuk "takluk kepada pemerintah yang di atasnya, sebab tidak ada pemerintah, yang tidak berasal dari Allah; dan pemerintah-pemerintah yang ada, ditetapkan oleh Allah." Pada 26hb September 2020, semua pengundi berdaftar dan sah di negeri Sabah akan pergi ke pusat-pusat mengundi untuk menunaikan hak perlembagaan mereka untuk memilih kerajaan yang akan memerintah Sabah. Saya menyeru kepada semua Anglikan di Sabah untuk berdoa dan mengambil tindakan yang sewajarnya untuk memastikan agar pemerintah yang saleh akan dipilih untuk memerintah.

1. MARI KELUAR MENGUNDI

Saya menggesa kepada semua pengundi untuk keluar mengundi. Manusia diciptakan masing-masing dengan nilai yang wujud sebagai makhluk ciptaan Tuhan (Kejadian 1: 26-27). Sebahagian daripada keistimewaan manusia adalah kebebasan untuk memilih. Oleh kerana itu, maka hak untuk memilih pemimpin kita juga adalah hak memilih setiap rakyat di negara kita. Laksanakan hak ini untuk memilih tanpa rasa takut atau pilih kasih, bebas dari godaan atau tekanan dari mana-mana pihak.

2. PEMIMPIN DENGAN INTEGRITI

Gereja sebagai institusi tidak berpihak, ia hanya mengusahakan kesejahteraan dan kemakmuran negara. Dalam memilih perwakilan ke Dewan Undangan Negeri Sabah, kita mencari kualiti yang sesuai di dalam pemimpin semua calon pilihan raya. Mereka mesti tidak bercela, jujur, rajin, bukan pencinta wang, tetapi mencintai rakyat dan sentiasa mencari kemakmuran negara kita, mempunyai sikap seorang hamba, membenci kejahatan, suka akan keadilan, tidak hidup menurut nasihat orang fasik tetapi mencintai kebenaran, dapat membuat keputusan yang berani demi kepentingan negara walaupun mereka tidak popular. Berdoa agar hanya lelaki dan wanita yang takut kepada Tuhan yang terpilih untuk membentuk kerajaan yang baru.

3. KERAJAAN UNTUK RAKYAT

Adalah menjadi tanggungjawab moral kita untuk berdoa dan memilih kerajaan yang dengan ikhlas mencari dan berusaha untuk kesejahteraan dan kemakmuran negeri Sabah dan rakyatnya, tanpa mengira bangsa, anutan agama atau etnik mereka.

4. CAMPURTANGAN TUHAN ALLAH

Marilah kita mendoakan campur tangan Tuhan dalam keseluruhan proses pemilihan selama Pilihan Raya Negeri Sabah ke-16 ini, agar ia dilakukan dengan bebas dari sebarang keganasan, kebencian, konflik, penipuan atau manipulasi. Kami mendoakan semua anggota pasukan keselamatan agar menjalankan tugas dengan setia dan juga keselamatan mereka. Kita berdoa untuk cuaca yang baik agar semua pengundi dapat keluar mengundi.

The Most Reverend Datuk Melder Jiki Tais

Archbishop & Primate of the Province of the Anglican Church in South East Asia
Bishop of Sabah